

usu troporum ac figurarum, præsertim sententiarum; quamvis acutis gaudeat sententiis & axiomatis.

Utitur Orator stylo tenui, in omni genere orationum, ut doceat, Judicem informet, factum exponat, mores instruat.

Lege Phædri Fabulas, Terentii Comædias, Ciceronis Orationes pro Quinctio & Flacco, ejusque Epistolas, Curtii aut Cæsaris Historiam? & quæ stylis subtilis & acuti natura sit, facilè deprehendes.

Questio 4. In quo consistit stylus temperatus?
R. In dulci quadam mixtura styli gravis & tenuis. De hoc ita Quintilianus: *Medius hic modus & transitionibus crebrior, & figuris erit jucundior, egressionibus amanior, sententiis dulcis, lenior tamen, ut annis lucidus, virentibus utrimque sylvis inumbratus.*

Hic dictionis character in orationibus panegyricis adhibendus est, iisque, quæ delectationem & leniores animi motus spectant.

Vide Orationes pro Lege Manilia, pro Marco Marcello & Archia Poëta, in quibus stylum planè floridum Cicero adhibuit.

CAPUT III. DE PARTIBUS SINGULIS ET COMPOSITIONE ORATIONIS.

ORatio quatuor necessariò constat partibus,
Exordio, Propositione (cui nonnunquam sub-

subjungitur *Narratio*, de qua in pro gymnas matis
Confirmatione, quæ interdum *Confutatione* indiger,
& *Peroratio*. Exordio præparamus auditorem;
propositione rem proponimus, confirmatione
candem probamus, peroratione concludimus.

ARTICULUS I.

DE EXORDIO ORATIONIS.

Questio I. Quid est Exordium?
R. Est Oratio animum auditoris idoneè
comparans ad reliquam dicti onem.

Compatatur autem animus auditoris tribus maxi-
mè rebus; si nempe eum benevolum, attentum, &
docilem reddiderimus.

Benevolus redditur Auditor, vel à persona nostra,
vel adversariorum, vel Judicu m; vel ab ipsa causa.

A persona nostra, captatur benevolentia, si de
nostris factis vel officiis, sine omni arrogantia dici-
mus; vel si prece & obsecratione humili utimur.

A persona adversariorum, si omnis invidia in eos
traducitur.

A persona Judicu m, si modestè laudentur ab ea
virtute, quam intendit oratio: V. G. Clementiâ,
si ad parendum miseris inducendi sunt.

A re ipsa, si causam nostram laudando extolla-
mus, magnam fiduciam ostendamus.

Attentus redditur Auditor, si dicturum te de
rebus magnois, inopinatis aut valde utilibus pro-
mittas.

*Docilis efficitur, si aperiè, breviter & distinctè
status quæstionis proponatur.*

Questio 2. Quid vocatur Exordium abruptum?
R. Illud, in quo Orator non præparat audi-
torum animos, sed quodam velut impetu mentis
abreptus dicere incipit, vel indignando, vel commi-
serando, vel in alium affectum prorumpendo.
Eo casu Exordium ab abrupto fieri dicitur; habet-
que locum præsertim in invectivis orationibus, ant
funebris.

Ita Cicero in Catilinam incipit: *Quousque tan-
dem abutere, Catilina! patientiam nostram?* &c.

Et in Pisonem: *Jam ne vides, bellua! jam ne sen-
tis, quæ sit hominum querela frontis tua? quamvis
hic deesse quippiam aliqui autument.*

De cætero in Exordiis affectus non nisi lenes adhi-
beri solent; ut paulatim incitetur animus auditorum.

Questio 3. Quænam sunt Exordii virtutes?
R. Prima virtus est, ut sit accuratum &
singulari industria elaboratum, cui non desit oratoriū
numeris suavitas, & periodorum venustas.

2da, ut sit rei, de qua agitur, proprium: qua-
le erit, si, ut ajunt, ex visceribus causæ, seu locis
intrinsecis desumatur.

3ta, ut sit instructum sententiis; id est, præ-
stantibus quibusdam veritatibus, aut veterum pro-
nunciatis.

4ta, ut sua sponte in propositionem influat.

Questio 4. Quænam sunt vitia Exordii?
R. Ea, quæ jam dictis virtutibus contraria
sunt.

sunt. Et primò quidem; si sit nimis longum, nec satis elaboratum. 2dò si sit commune, & servire pariter adversario possit. 3tiò. Si tale sit, ut auditor nec benevolus, nec attentus nec docilis efficiatur.

Aristoteles & Quintilianus monent, in singulis orationum generibus esse proprium aliquid Exordio: in genere demonstrativo exordia maximè libera esse & longè à materia duci posse: in deliberativo sæpe nulla aut brevia adhiberi, cùm Orator non veniat supplex ad Judicem, sed hortator atque auctor. In genere judiciali ex ipsis visceribus causæ exordiendum esse, Judicem conciliando & causæ nostræ ualitatem accersendo.

Questio 5. Quid agendum illi, cui deest materia pro Exordio?

R. Is advertat. quidquid in confirmatione ponipotest, posse etiam ponи in Exordio. Unde ex tota massa materiarum, quas collegit, ea, quæ efficaciora sunt, adhibeat in confirmatione; leviora verò, & quæ alibi commodè usurpari nequeunt, collocet aut reservet pro Exordio.

Ego, inquit Cicero L. 2. de orat. *Omnibus rebus consideratis, tum denique id, quod primum est dicendum, postremo loco soleo considerare, quo utar exordio? Nam si quando id primum invenire volui, nullum mihi occurrit, nisi aut exile, aut nugatorium, aut vulgare.*



ARTICULUS II.

DE PROPOSITIONE ORATIONIS.

Quid est Propositio orationis, & quales virtutes habere debet?

R^e. Propositio est brevis summa totius Orationis quā scilicet exponit Orator, quid sit dicturus.

Unde semper brevis & perspicua sit oportet, ut Auditor illico totius orationis & scopum & substantiam intelligat.

Plerumque in duas aut plures partes dividitur, tūm, quod divisio claritatem afferat orationi, tūm quod memoriam & dicentis adjuvet & audientis; si partes singulæ eodem, quo propositæ fuerunt, ordine pertractentur.

Cicero Philip. 7. Cur igitur pacem nolo? quia turpis est, quia periculosa, quia esse non potest. Hæc tria dum explico, peto à vobis patres conscripti, ut eadem benignitate, quā soletis, verba mea audiatis.

Pro Muræna. Intelligo Judices, tres accusationis partes fuisse; & earum unam in reprehensione vite, alteram in contentione dignitatis, 3tiā in criminibus ambitūs esse versatam.

Post propositionem, benevolentia auditorum peti solet ab Oratore, ut Cicero supra; Peto à vobis patres conscripti! ut eadem benignitate, quā soletis, verba mea audiatis.

Advertendum præterea, quod genus orationis,

quo ad nomen, à propositione dependeat; ut nimur dicatur vel demonstrativi vel deliberativi generis oratio. V. G. Si in propositione dixeris, te ostensurum, fontem malorum esse superbiam; facies orationem generis demonstrativi; cavendum que erit in Epilogo, ne ad fugiendam superbiam horteris: è contrà verò si in propositione promittas, probaturum te, quòd vitanda sit superbia; oratio fiet generis deliberativi. Atque in Epilogo ad fugam superbiae adhortari poteris.

ARTICULUS III. DE CONFIRMATIONE ORATIONIS.

Questio 1. Quid est Confirmatio Orationis?
Bz. Pars illa præcipua, in qua Orator rei propositæ fidem facit, vocatur confirmatio. Fidem autem facit per Argumenta in ordinem disposita, quod argumentatione efficitur, ut dictum toto cap. 1. libri hujus.

Questio 2. Quis inter varia Argumenta servandus est ordo, in oratione?

Bz. Ut, quod putatur fortissimum argumentum, primo loco, &c., ut ajunt, in fronte ponatur, quo facilius intellectus convincatur: Deinde quæ leviora sunt, medium locum occupent: Excellentissimum verò statuatur in fine.

Illud dici potest excellentissimum, quod maximè tangit præsentes auditores, atque apud hos plurimum momenti ac plausûs creditur habiturum. Verum sicut peritus belli dux, ut hostem expugnet, non

non tantum exercitum universum in aciem disponit, sed singulas etiam legiones ac cohortes, ordine ac loco statuit, ut aliæ ab aliis fulciantur & adjuventur, ita Orator probationes singulas & argumenta singula eo modo disponere debet, ut priora à posterioribus roborentur & confirmarentur. Crescere enim semper debet oratio, usque dum ad summum pervenerit.

Questio 3. Quid Agendum, si Confirmatio plures habeat partes?

R. Singulæ per ordinem dilucidè proponantur, tractentur, roborentur, absolvantur; neque enim inter se misceri debent, sed ab una parte ad alteram gradus faciendus est; idque per particulas idoneas & certas transitionum formulas, quibus & partes confirmationes inter se, & probationum aliæ cum aliis connectantur.

Questio 4. Quænam illæ sunt transitionum formulæ?

R. Sequentes, aliæque similes.

Sit V. G. probandum, Eloquentiam esse utilem & honestam: hoc modo transibis, à parte unâ ad alteram.

Hactenus de utilitate Eloquentia: nunc illius dignitatem atque honestatem cognoscite.

Utilitatem vidimus, dignitatem expendamus:

Utilitas Eloquentia, ut equidem arbitror, nunc satis perspecta est: ad honestatem illius anhelat & properat oratio.

Nunc exspectare videmini, ut de Eloquentiae dignitate quedam in medium proferam.

Reliquum est, ut oratio velis remisque omnibus in Eloquentia dignitatem excurrat.

Sed quid tanto tempore de Eloquentia utilitatibus dissero? ad dignitatem illius deveniamus.

Huc referri possunt transitiones illæ, quæ de Chri^x partibus inter se nec tendis afferentur.

ARTICULUS IV. DE CONFUTATIONE.

Pars illa orationis, qua adversariorum argumenta & objectiones refellimus atque diluimus, Confutatio vocatur, utiturque hæc eodem fonte inventionis, quo confirmatio; propterea quod quibus ex locis aliqua res confirmari potest, iisdem ex locis possit infirmari & confutari.

Questio 1. Quis ordo servandus est in confutandis adversariorum argumentis?

R^s. Contrarius ferè; qui in confirmatione: primò enim confutantur argumenta, quæ infirma aut mediocria sunt: deinde quæ fortissima judicantur: denique facillima, in quibus maximè triumphatus videatur Orator.

Potest tamen servari etiam is ordo in refellendo, quem adversarius tenuit in objiciendo.

Questio 2. Quot modis fit Confutatio?
R^s. Juxta Quintilianum L. 4. c. 13. modis tribus, nimirum negando; redarguendo, ele-
vando.

Questio 3. Quomodo confutamus negando?
R^s. 1. Si rem ab adversario allatam simpli-
citer negamus.

Cicero pro Quint. Negamus te bona Quintū,
Sexte Navi! posse dīsse, ex edicto præteris.

2. Si

2. Si crimen ab ejus persona, quem defendimus, alienum ostendimus.

Pro Rosc. Patrem occidit Sextus Roscius. *Qui homo? adolescentulus corruptus, & ab hominibus nequam inductus; annos natus magis quadraginta. Vetus videlicet sicarius, homo audax & saepe in cæde ver-satus.* At hæc ab accusatore ne dici quidem audistis.

3. Si factum negemus ab adjunctis loci, temporis aliisque circumstantiis. Hac industria, confutat Cicero argumenta contra Milonem allata.

Questio 4. Quomodo confutamus redarguendo?

R. 1. Si, quod adversarius attulit, esse dubium factum, aut non probabile ostendamus.

Pro Roscio. Exhæredare pater filium cogitabat. Mitto querere, qua de causa? quæro, qui scias?

Pro Cluentio. Nam verò illud quam non probabile, quam inusitatum, judices, quam novum, in pane datum venenum? faciliusne potuit quam in poculo & lateanti spoutuit abditum aliqua in parte panis, quam se totum collique factum in partione esset?

2. Si pugnantia dixisse convincatur adversarius.

Pro Roscio. Vides, Eruci, quantum distet Argumentatio tua abs re ipsa atque à veritate: quod consuetudine patres faciunt, id quasi novum reprehendis: quod benevolentia fit, id odio factum criminaris: quod honoris causa pater filio concessit, id eum supplicii causa fecisse dicis.

3. Si crimen in adversarios detorqueamus, quod Ciceroni frequentissimum. Aut si objectiones tanquam nullius momenti contemnamus, vel etiam risu & facetiis explodamus. Quâ arte Cicero L. Flaccum severitati Judicium eripuit.

Questio 5. Quomodo confutamus elevando?
R. Quando rem, quæ negari non potest, extenuamus, atque emollimus. Ita Cicero, cum Cœli luxuriam negare non posset, vitium temporis potius quam hominis esse dixit, concedendam esse aliquid etati &c.

ARTICULUS V. DE PERORATIONE.

Questio 1. Quid est Peroratio?
R. Est artificiosus orationis exitus, sive, est extrema pars orationis, in qua id, quod tota oratione intendit Orator, majore vehementiâ & contentione evineat atque obtinere nititur.

Unde in hac parte omnibus armis eloquentiæ prægnandum est, ut expugnentur animi, & eò, quò vult Orator, flectantur, séque ultro dedant.

Atque ob hanc rem, non minore, quam exordium, industriâ elaborari debet peroratio, quòd ea, quæ tunc dicuntur, mentibus auditorum maximè adhærescant, & res plerumque ab exitu & fine probentur.

Questio 2. Quot partibus constat peroratio?
R. Juxta Ciceronem, partibus tribus: Enumeratione dictorum, Amplificatione, & Affectu. Hæc enim tria Oratori omnino necessaria sunt, ut dominetur animis, & apiculatum more, quæ mel in ore gerant, spiculum à tergo infigat.

Questio 3. Quid est Enumeratione, & quomodo instituenda?

R. Enumeratione est rerum fusè dictarum brevis summa & artificiosa repetitio. Hujus dæo sunt tempora; primum, si memoriae auditorum diffidimus

mus : alterum , si argumenta in unum collecta vim
habitura sint majorem.

Cicero pro Lege Manil *Quare cùm & bellum ita
necessarium sit ; ut negligi non posset ; ita magnum , ut
accuratissimè sit administrandum : & cum ei Impera-
torem præficere possitis , in qua sit eximia belli scientia ,
singularis virtus & clarissima authoritas , egregia for-
ritudo , dubitabitis Quirites ! quin hoc tantum bonum ,
quod à Diis immortalibus oblatum & datum est , in rem-
publ. conservandam atque amplificandam conferatis ?*

Ex quo exemplo liquet , in peroratione non nisi
summa argumentorum capita , cum ornatu , delibana-
da esse , ac eo quidem ordine , quo in confirmatio-
ne allata fuerunt ; cavendumque imprimis , ne
longiore repetitione , altera oratio esse videatur .

Questio 4. Quæ amplificatio , & qui affectus
in peroratione adhibendi sunt ?

R. Observanda sunt ea , quæ L. i. c. 2. dicta sunt .
Cum verò Orator postremâ hac parte eòspectet ,
ut auditores non modo benevoli se dedant , sed
etiam repugnantes trahantur ; hic omnes affectus
primum in Oratore ipso , dein & in auditoribus ,
ubi res exigit , concitandi erunt . Quapropter am-
plificationes gravissimæ per hypotiposes , exclama-
tiones , definitiones conglobatas &c. hic si usquam
aliàs , adhibendæ erunt .

ARTICULUS VI.

DE

MODO COMPO- NENDI ORATIONEM.

Quanquam res ista exemplis potius ac diligentí
lectione Orationum Ciceronis , quam præ-
ceptis

ceptis multis perdisci possit; non parum tamen proderit, si compositurus orationem sequentia animadvertis.

1^{mo} Et ante omnia, Crinomenon seu statum quæstionis recte intelligat.

2^{do} Scopum orationis certum sibi præfigat, ad quem argumenta omnia dirigat: quidquid verò ad scopum istum non spectat, tanquam otiosum, & noxiū respuit. V. G. Si de Ebrietate dicendum sit, vide, cum multa dici de illa possint, quid potissimum dicere velis.

3^{ti}o. Si V. G. dissuadere vis adolescentibus Ebrietatem, quære ex te, cur adolescentibus vitanda sit ebrietas? & mox ingens sylva argumentorum materiarūmque huc spectantium occurret, ut, quod sit turpis & noxia, quod hominem bestiis similem faciat, quod rixas, bella, cædes excitet &c. quæ obiter in chartam conjicienda erunt.

4^{to} Ex his optimas rationes selige pro confirmatione.

5^{to}. Argumenta omnia in ordinem dispone, vel syllogismo, vel enthymate vel alio argumentandi genere, secundum dicta superiùs: propositiones verò singulas vide quibus modis & figuris efferre, quomodo exornare atque amplificare possis. Hæc pariter annota.

6^{to}. Priusquam manum compositioni admoves; fac tibi torius orationis rudem quandam ideam, & quasi Synopsin, quam ante oculos habeas; semper respicias inter componendum, ne à scopo atque à materia aberres.

7^{mo} Habitâ orationis idéâ, singulas ejus partes ordine elabora; quanquam, ut dictum est, exordium in finem rejici possit.

FINIS LIBRI II.

Sequitur Liber tertius.